

Gryphius, Andreas: Ix.

Vanitas! Vanitatum Vanitas! (1650)

1 Die Herrlichkeit der Erden
2 Mus rauch vnd aschen werden/
3 Kein fels/ kein ärtz kan stehn.
4 Dis was vns kan ergetzen/
5 Was wir für ewig schätzen/
6 Wird als ein leichter traum vergehn.

7 2. Was sind doch alle sachen/
8 Die vns ein hertze machen/
9 Als schlechte nichtigkeit?
10 Waß ist der Menschen leben/
11 Der jmmer vmb mus schweben/
12 Als eine phantasie der zeit?

13 3.
14 Den wir vnsterblich achten/
15 Ist nur ein falscher wahn.
16 So bald der Geist gewichen:
17 Vnd dieser mundt erblichen:
18 Fragt keiner/ was man hier gethan.

19 4. Es hilfft kein weises wissen/
20 Wir werden hingerissen/
21 Ohn einen vnterscheidt/
22 Was nützt der schlösser menge/
23 Dem hie die Welt zu enge/
24 Dem wird ein enges grab zu weit.

25 5. Dis alles wirdt zerrinnen/
26 Was müh' vnd fleis gewinnen
27 Vnd sawrer schweis erwirbt:
28 Was Menschen hier besitzen/
29 Kan für dem todt nicht nützen/
30 Dis alles stirbt vns/ wenn man stirbt.

31 6. Was sind die kurtzen frewden/
32 Die stets/ ach! leidet/ vnd leiden/
33 Vnd hertzens angst beschwert.
34 Das süsse jubiliren/
35 Das hohe triumphiren
36 Wirdt oft in hohn vnd schmach verkehrt.

37 7. Du must vom ehren Throne
38 Weil keine macht noch krone
39 Kan unvergänglich seyn.
40 Es mag vom Todten reyen/
41 Kein Zepter dich befreyen.
42 Kein Purpur/ Gold/ noch Edler stein.

43 8. Wie eine Rose blühet/
44 Wen man die Sonne sihet/
45 Begrüssen diese Welt:
46 Die ehr der tag sich neiget/

47 Ehr sich der abendt zeiget/
48 Verwelckt/ vnd vnversehns abfällt.

49 9. So wachsen wir auff Erden
50 Vnd dencken gros zu werden/
51 Vnd schmerz- vnd sorgenfrey.

52 Doch ehr wir zugenommen/
53 Vnd recht zur blüte kommen/
54 Bricht vns des todes sturm entzwey.

55 10. Wir rechnen jahr auff jahre/
56 In dessen wirdt die bahre
57 Vns für die thür gebracht:
58 Drauff müssen wir von hinnen/
59 Vnd ehr wir vns besinnen
60 Der Erden sagen gute nacht.

61 11. Weil vns die lust ergetzet:
62 Vnd stärcke freye schätzet;
63 Vnd jugendt sicher macht;
64 Hat vns der todt gefangen/
65 Vnd jugendt/ stärck vnd prangen/
66 Vnd standt/ vnd kunst/ vnd gunst verlacht!

67 12. Wie viel sindt schon vergangen/
68 Wie viel lieb- reicher wangen/
69 Sindt diesen tag erblast?
70 Die lange raitung machten/
71 Vnd nicht einmahl bedachten/
72 Das jhn jhr recht so kurtz verfast.

73 13.
74 Daß dieser zeit geschencke/
75 Sey kaum ein augenblick/
76 Was du zuvor genossen/
77 Ist als ein strom verschossen
78 Der keinmahl wider fällt zu rück.

- 79 14. Verlache welt vnd ehre.
80 Furcht/ hoffen/ gunst vnd lehre/
81 Vnd fleuch den HERREN an/
82 Der jimmer König bleibet:
83 Den keine zeit vertreibet:
84 Der einig ewig machen kan.
- 85 15. Wol dem der auff jhn trawet!
86 Er hat recht fest gebawet/
87 Vnd ob er hier gleich fält:
88 Wirdt er doch dort bestehen
89 Vnd nimmermehr vergehen
90 Weil jhn die stärke selbst erhält.

(Lyrikkompass: lx.

Vanitas! Vanitatum Vanitas!. Abgerufen am 28.04.2025 von <https://www.lyrikkompass.de/poems/681>)